

Na osnovu člana 57 stav 2 Zakona o vanjskim poslovima („Službeni list CG“, broj 70/17), Vlada Crne Gore je, na sjednici od _____ 2024. godine, donijela

R J E Š E N J E
O IMENOVANJU GENERALNE SEKRETARKE MINISTARSTVA
VANJSKIH POSLOVA

1. Za generalnu sekretarku Ministarstva vanjskih poslova imenuje se **MARIJA MARAŠ**, spec. sc. međunarodnih odnosa i diplomatije.
2. Dispozitiv ovog rješenja objaviće se u „Službenom listu Crne Gore“.

O b r a z l o ž e n j e

Ministar vanjskih poslova je, na osnovu člana 57 stav 2 Zakona o vanjskim poslovima, predložio da Vlada Crne Gore imenuje Mariju Maraš za generalnu sekretarku Ministarstva vanjskih poslova. U obrazloženju predloga je naveo sljedeće: „Članom 57 stav 2 Zakona o vanjskim poslovima, između ostalog, propisano je da generalnog sekretara imenuje i razrješava Vlada, na predlog ministra vanjskih poslova, bez javnog konkursa i dužnost mu prestaje prestankom mandata ministra, ostavkom ili razrješenjem. Članom 59 istog zakona propisano je da je generalni sekretar, po pravilu, diplomata u zvanju ambasador u Ministarstvu, koji neposredno saraduje sa ministrom vanjskih poslova na usklađivanju organizacije rada, izvršavanju zadataka i koordinaciji rada osnovnih i posebnih organizacionih jedinica, sekretarijata Ministarstva i diplomatsko-konzularnih predstavništava u sprovođenju vanjske politike, kontroliše vršenje poslova u Ministarstvu i stara se za efikasno, racionalno i zakonito vršenje vanjskih poslova. Na osnovu člana 57 stav 2 i člana 59 Zakona o vanjskim poslovima, predlažem da Vlada Crne Gore imenuje Mariju Maraš za generalnu sekretarku Ministarstva vanjskih poslova.“

Vlada Crne Gore je razmotrila i prihvatila navedeni predlog ministra vanjskih poslova i, saglasno svojim ovlašćenjima iz člana 57 stav 2 Zakona o vanjskim poslovima, donijela Rješenje o imenovanju generalne sekretarke Ministarstva vanjskih poslova Marije Maraš, spec. sc. međunarodnih odnosa i diplomatije.

Na osnovu izloženog, riješeno je kao u dispozitivu.

UPUTSTVO O PRAVNOJ ZAŠTITI: Protiv ovog rješenja žalba nije dopuštena, već se može tužbom pokrenuti upravni spor pred Upravnim sudom Crne Gore u roku od 20 dana od dana prijema rješenja.

Broj:
Podgorica, _____ 2024. godine

VLADA CRNE GORE

PREDSJEDNIK
mr Milojko Spajić